

آبونه شرائطی : هریر ایچون
سنه لکی (۲۷۵) آلتی آیلغی
(۱۵۰) ممالک اجنیه ایچون
سنه لکی ۳۲۵ غروشدور.

نسخه سی ۵ غروشدور .
ایکی نسخه برآراده
(۱۰) غروشدور
سنه لکی ۵۲ عددور .

اداره خانه : باب عالی جاده سنده
رشید افندی خاندنه

اخطارات
آبونه بدلی پشیندر .

مسلكه موافق آثار مع المنونیه
قبول اولنور . درج ایدله یین
یازیلر اعاده اولماز .

والله یهدی من یشاء الی صراط مستقیم

باش محرر
محمد عاكف

صاحب و مدیر
اشرف ادیب

اتبعون اهدكم سبیل الرشاد

خایر ، خایر ! افندیلر ، خاعلر . بز غریبلاشوق دهل ، غریک اشیکنه بیله آیاق باصه حق حالده دکلر . اول امرده حکومت . تربیه عامه بی وجوده کتورسون ، اوندن سوکره نه اوله حق ایسه ک اولالم . حکومت بووظیفه سنی ایفایه مقتدر اولونجه به قدر قادینلرک بوکبی حریت یکیلکاربینه قیا ایغلری اصلا وقطما جائن دکلدر .

خاتم همشیرلر ، خاتم قیزلر !
آوروپالیلنی سزه بونولده کوسته درلره لعنت ایدیگز . اوقیل انسانلر ، ملتک یکانه استنادکاهی اولان اخلاقی افساد ایدن برطاقم داخلی دشمنلردر . بونلرک شری خارجدن مملکتیمزه تسلط ایدنلرک شریندن ده شیعدر . آناطولیده نهوسر ، ماکدونیاده حامیسز قالان تورکرک حیات ایله پنجهله شیرکن سزک سرخوشلر ایچنده اکلنجه آرامه کز بوتون دنیای سزه لعنت ایتدیرر .

آنقره خبرلری

شرعی و قانونی نبرل . — شرعی و کیلی موسی کاظم افندی حضرتلرینک استعفا سی اوزرینه صاروخان مبعوثی مصطفی فوزی افندی حضرتلری شرعی و کالته انتخاب اولوغشدر . موسی کاظم افندی استعفا سبه سبب اولق اوزره احوال صحیه سنی کوسترمش سده یومی غزته لک محاربرلی بواستعفا نك منع مسکرات قانونک تعدیلندن ایلری کادیکنی بیلدیرمشلردر . حکومتک بیاننامه سی مجلسده اوقوندقدن سوکره بالطبع اسباب استعفا ده واضح برصورتده آکلاشیله جقدرد . ظن اولوندیفنه کوره منع مسکرات قانونک تعدیلی استعفا نك سیلیرندن برینی تشکیل ایتکده در ، مدرسه لر و اوقاف کی برطاقم مسائلده بو عوامل میاننده بولوسه کرکدر .

موسی کاظم افندی مدرسه دن سوکره حقوق تحصیل . کورمش منور و صلابت دینه صاحبی بر ذات محترمدر . مشارالیه ک شرعی و کالته کلری مجلسک طاعیله ارق انتخابک یکیدن اجرا اولوندیفنی بر زمانه تصادف ایتدیکی جهته اساسلی اجرا آتده بولونه مادقلربی . مذکورکورمک لازم کلیر . مشارالیه یالکنز موجودی محافظه ایله اکتفا ایتمش ، شرعی و کالته ده افعال برحاله کتیرمک خصوصنده کی تصور و اجرا آتی یکی مجلسدن آله جفی اعتاده تعلیق ایله مشلردی .

فی الحقیقه ایکنجی مجلسده مشارالیه تکرار انتخاب ایتمش سده حکومتک بیاننامه سنی احضار ایتکده اولدیفنی برصیره ده احوال صحیه سنی ایلری سوردرک استعفا ایتشلردر .

شیمیدی بر قاج کوندن بری شرعی و کالته مقامنده مصطفی فوزی افندی حضرتلری بولونسور . مصطفی فوزی افندی ده هم مدرسه تحصیلی اکیال ایتمش ، هم ده مکتب حقوقدن برنجیلکله جیمیش ، بالاخره برطرفدن دعوی و کالته ده ، دیگر طرفدن ده سنه لجه حقوقده مجله مدرسه لکندنه بولونمش . مقتدر و فاضل برذاتدر . بویوک ملت مجلسی حکومتک تأسیسات جدیده ایله مشغول اولدیفنی شوصیره ده مصطفی فوزی افندی کی ناسک و زمانک احتیاجاتی بیلیر ، فقه جلیل اسلامه و عصر حاضر حقوقنه واقف بر ذاتک بو مقام عالیده بولونسی مسلمانلر ایچون موجب ممنویت برحاده در . مشارالیه بوتون جزیانلری ، بوتون اسلام مسئله لرینی بیلیر ، قنوا خانه نك ، مدرسه لک ، اوقافک ماضیلرینه ، کچیرمکده اولدقلری صفحانه ، بو اسلام مؤسسه لری حقنده کی افکار و تصوراته بحق واقف ، یدیفنی ، یاه حقنی ، یاییلانی ، یاییلاجنی ادراک ایدر براسلام عالمیدر . بناء علیه اگر بویوک ملت مجلسدن مظهرت کورورسه شرعی و کالته ک آننده قالان اسلام مؤسسه لرینه زمانک احتیاجاته کوره یکی بر رونق و حیات ویره جکنه ،

کلنهای حادثه سی

کچن کون ظفر شلککری مناسبتیه «رهبر سعادت» مکتبی منفعتنه بر کیجه اکلنجه سی ترتیب اولنمش و بو تنزه ایچون «کلنهای» واپوری کیرالانمشدی . کلنهای او کیجه بی بویوک آطه اوکنده کچیردی . آنان موثوق معلوماته نظراً تنزه ایتاسننده کلنهای واپوری برسیار میخانه حالی آلمش . سرخوشلر چوغالمش ، قادینلره ارککلرک برابر بولوندقلری صالونلرده اطرافه تجاوزلر باش کوسترمش ، درجه درجه تجاوزلر آرتدق طادنا تسلط مرتبه سینه وارمش ، قماره لوده بعضی حادثه لرده وقوعه کلمش . الحاصل سفاهتک ، رذالتک ، ادبسنلکک صوک درجه سینه قدر کیدلمش .

بو حادثه دن بحث ایدن «اقدام» غزته سی دیورکه :
حادثه تربیه عمومیه سزه و اخلاق ملیه سزه سوء قصد دیکدر . بو سوء قصد قارشوسنده لاقید قالمی بزم ایچون ممکن دکلدر .

بو حادثه ، بوتون افکار عمومیه سزه تنقید ایدمکی برحادثه در . آنک ایچون افکار عمومیه سزه ، بو حادثه فاعلرندن مجرم اولانلرک تجزیه سنی ، و بو کی حادثه لک تکررینه مانع اولق ایچون مقامات رسمیه سزه جدی تدابیر اتخاذینی طلب ایتکده در .

فقط ملی تربیه سزه و اخلاق سزه شلیع بر تجاوز مایه ننده اولان بوقیل سوء قصدلردن تحفظه ، بوندن صکره خلقمک دخی اعتنا ایتسی لازمدر . بوده ، بعدما ، هر نه مقصد خیر ایچون اولدیفنی اعلان ایدیلور ایسه ایدلسون ، بو قبیل تنزه لره و اکلنجه لره قطباً اشتراک ایتهمکدر . هله عائله لر و قادینلر ایچون بویله ترتیبلردن صورت قطعیده اوزاق قاجق لازمدر .

بوندن ماعدا بو بولده معامله لر ، یار و اغیار قارشوسنده بزم ملی شرف و حیثیت سزی دخی اخلال ایدر . بو خصوصده ضابطه سزه کک متیقظ بولونماسی و ناموس ملیه سزه تجاوز مایه ننده اولان بو معامله ره اصلاً میدان ویرمه سی لازمدر .

بز مقامات عاتده سنک بو خصوصده تام جوالیت و قطعیت ایله حرکت ایتسنه انتظار ایدمدرز . زیرا وقوعات و حادثات کوستربورکه ، بو صورتله حرکت کک بویوک احتیاج وارددر . ملتک شرف و حیثیتک محافظه سی دخی ، قوای رسمیه نك وظایف جمله سندن اولدیفنی اصلاً اونودلامیلدر .

شو وقعه اثبات ایدرکه قادینلر سزه بویکی شیلرده ارککلره اشتراکینه آوروپا (حرثی) مناسی ویرمک اک بویوک جرأتلردندر . دیما بزم ایچیزده اوله انسان صورتنده تربیه سز مخلوقلر واردرکه اولنرک یانلرینه ملتک نسوانی کتیروب اوطور سنی برجنایتدر . بوی یایان ارککلر طائله لک عرض و ناموسلری همیشه صایبورلر دیمکدر . باشقه مملکتلرده ، هانیا او ، اخلاقی بکنمیدیکن آوروپاده عرض و ناموس تکامل عمومی آلتنده در . اورالرده اول امرده حیا سز لک بونوعی قصد اولونه ماز . لوزاندن ایی اوج ساعت اوتده بر اورماندن کچن ایکی قادینه جیرکین سوز سولندیکندن دولای مطبوعات قیامت قوپارردی . نایا غریبه بویله علنی تسلطلر وقوعه کلمس . چونکه خلق درحال قوه بازوسی استعمال ایدرک تسلطه دکل ، عارسز لقه جرأت ایدنلرک بیله حدینی بیلدیرلر . حالبوکه کلنهای واپورنده کی تورک و مسلمان ارککلر ، حیا سز لکک صوک مرتبه سنده اینه رک ، چاپقینلره حدلرینی بیلدیرمه مشلردر .

قانوننک بو فقرہ سبله طبسان طبانه ضدر . مشارالیه کی فقہ و اصول فقہدہ متخصص بر ذاتک تنظیم اولونه حق احکام قانونیہده غربک بالجله قوانین و مؤسسات حقوقیه سندن اقتباس احکام خصوصندہ « بلا تردد » یعنی سلمه السلام حرکت ایدیلہ جکی حقندہ کی افاداتی پک غریب بولدی . حق مدینت اسلامیہ به شدید بر علاقہ کوسترن ؛ عرفاناً ، روحاً و سجدۃً شرقی ، مسلمان و تورک اولدیغنی دائماً تبارز ایتدیرن سیدک افدینک بویله بر سوز سوبیلہ جکنی قید احتیاطله قبول ایلدک .

عدلیہ مزده کی حال تذبذب و تشوشی مجله مزک نقصانده آرامق قدر کولونج بر شی یوقدر . قدرت اخلاقیه و فکریه سی یوکسک و مستقل حاکمک ائده توزیع عدالتی تأمین ایدمه به جک قانونلر بیلہ اک ای بر واسطه عدالت اولدیغنی هیچ بر زمان اونوتولماملیدر . عدلیہ نک فعال و سریع بر عدالت ماکنه سی حالی آله بیلیمسی ایچون اک اول یابیلہ حق اصلاحات ، محکمہ لری احتیاجک و دیگر عواملک تأثیراتندن اوزاقلاد شیرمق و اخلاقاً ، عرفاناً یوکسک حاکمک یتشدیرمک خصوصلری اولملیدر .

تشکیلات محاکم قوانینی مملکتک احتیاجنه موافق اولمادیغنی معلومدر . یابانچی بر مملکتک قانونلرندن قوییه ایدیلن بوقانونلرک هر حالده اصلاح ایدلمسی و مملکتده کوره بر قانون یابیلیمسی موافقدر . فقط ایکیدمه بزده حقوق مدنیہ مزی تشکیل ایلہین مجله نک تعدیل و یا تبدیلندن بحث ایتک هر زمان ایچون بر غریبه حقوقیه تشکیل ایلر .

بز مجله نک بو کونکی مناسبات اجتماعیه و اقتصادیه کوره توزیع عدالتی تأمین کافی اولمسان موادینک هانکیلری اولدیغنی وهانکی حقوقشناسلرک علمی تنقیدات و مناقشات جالب الیش بولوندیغنی اول امرده اورته به قویق لازم کلدیکنی ایلری سورمیورز . دییورزکده آرتیق مسلمانلردن عبارت قالان مملکتمز خلقی ، کندی آرہ لرندہ تحت ایدن خصوصات حقوقیهده کندی روحنه ، کندی طویغوسنه ، کندی عرفان و تمایلاتنه ، الحاصل هر شیتہ موافق کان احکام شرعیہ نک قانون اولمسی ایستہ نور . خلقک تمایلات حقیقیه روحیه سی بودر . بو ، خلقک حقیدر . خلق حکومتی بو حق طانییه به مجبوردر .

اگر مملکتمزده لاجل المنفعه اقامت ایدرجک اولان بر قاج اجنینک و یا طوغرودن طوغرویه غرب غنماتی ، غرب اجتماعی ، غرب قوانینی ، غرب اخلاقیاتی ، الحاصلی غربک علوم مثبتہ و ضایع عالیہ سندن باشقه هر شیتی بلاقید و شرط مملکتہ صوفق ایستہین بر قاج یابانچی طبیعتی محدودالعدد کیمسه لرک آرزولری خلقک بو حقنک طانمہ سنه مانع اولیورسه آرتیق او کی کیمسه لری بیلملیدرکه بوندن بویله بو آرزولر مملکتمزده حاکم اوله مایه جقدر .

عدلیہ وکیل محترمک هر کسدن زیاده اینی بیلیمسی اقتضا ایدرکه

مملکتده کوندن کونه میدان آلان و حیات اجتماعیہ مزک تملری صاصندہ اولان فواحش و منکراتک اوکنه کجه جک بر طاقم تدابیر اساسیه اتخاذ ایدمه بیلہ جکته انتظار اولونه بیلر . مسلمانلری یوکستنه به چالیشانلره جناب حق توقیر احسان بویورسون .

قانونه تنظیمندہ یکی عمده . . . یومی غزته لرک آنقره بخابرلرینک اشعاراتنه کوره ، تنظیم قوانین خصوصندہ خلق فرقه سنک عمدہ سی صوک شکلی آنجهیه قدر بر قاج صفحہ دن کچمشدر ، ایلک پروژہ می شو صورتله ایدی :

« ... خلقجیلر ... قانونلری تشریع و اجرا ایتکده کی مطلق حریت و استقلالی تحدید و تقیید ایدیچی هیچ بر غنمته نک ، هیچ بر تمامک و هیچ بر قوتک مشروعیتی طانیایان فردلدر . »

بالآخره بو پروژہ می تدقیق ایتک اوزره ضیا کوک آلب و آغاوغلی احمد بکلرله سائر ذواتدن تشکل ایدن انجمن بو فقرہ می شو شکله قویمشدی :

« ... خلقجیلر ... قانونلری تشریع و اجرا ایتکده کی حریت و استقلالی تحدید و تقیید ایدیچی عقل و حکمتہ مغایر خرافوی غنمات و تماملک مشروعیتی طانیایان فردلدر . »

بوندن صوکره فرقه هیئت عمومیہ سنده بو فقره شو شکله قبول اولومشدر :

« ... خلقجیلر ... قانونلری وضع ایتکده مطلق حریت و استقلالی طانیایان فردلدر . »

بو خصوصده تشکیلات اساسیه قانوننک عمدہ سی ده شو صورتله در : « ماده ۷ — ... قوانین و نظامات تنظیمندہ معاملات ناسه ارفق ، احتیاجات زمانه ارفق احکام فقہ و حقوقیه ایلہ آداب و معاملات اساس اتخاذ قیلنیر . »

عدلیہ عصری اصطومات . — طنین غزته سنک آنقره مخبری عدلیہ وکیلی سید بک افندی ایلہ بر ملاقات اجرا ایدیور و بوملاقاتی نلغرافله غزته سنه بوجه آتی اشعار ایدیور :

« آنقره ، ۳ ایلول — عدلیہده عصری بر شکله اصلاحات اجراسی بوتون رجال حکومتک فکرینی اشغال ایلکده در . حکومتک مجلسندہ اوقویه جفی پروگرامده اصلاحات عدلیہ حقندہ مهم نقاط موجوددر . بو خصوصده عدلیہ وکیلی ایلہ اجرا ایلدیکم بر ملاقاتده وکیل بک :

« هر شیدن اول قوانینک اصلاحی و تشکیلات محاکمه متعلق بعض مواد قانونیه نک مستعجلاً تعدیلی ترجیح ایلکدهیم . مجله نک باشند باشه تعدیلی مقتضیدر . اساساً بو فکری عدلیہ انجمنده قبول ایلہ مشدر . استانبولده کی واجبات قومیسوننه مجله نک تماماً تعدیل اولوناجغنی تبلیغ ایلدک . تنظیم اولوناجق احکام قانونیهده غربک بالجله قوانین و مؤسسات حقوقیه سندن بلا تردد (۹) اقتباس احکام ایدیلہ جکدر . »

معلوم اولدیغنی وجهله تشکیلات اساسیه قانونی و قوانین و نظاماتک تنظیمندہ معاملات ناسه ارفق و احتیاجات زمانه ارفق احکام فقہیه و حقوقیه ایلہ آداب و معاملاتک اساس اتخاذ قیلنہ جغنی ، تصریح ایتمشدر . شو حالده عدلیہ وکیلی سید بک افدینک بو بیاناتی تشکیلات اساسیه

تشکیل اولونان مؤسسه لر دن بکله ن غایه بی استحصال ، وضع اولونان قانونلر دن انتظار اولونان قانده بی تأمین ایچون اومؤسسات وقوانینک ملتارک روحلر دن، عقیده لر دن ، عنعناتلر دن، الحاصل طرزلقیلر دن طوغمش اولمسی شرطدر . کوستا اولونک دیدیکی کی، بر قوم ایچون یک ای اولان مؤسسات وقوانین ، دیگر قومه کوره غایت قسا ومشغوم اوله ییلیر . بویله یابانجی قوانین ومؤسسات روح ملی ایله هیچ بر زمان قایناشه ماز .

اگر غریبه اولان مناسبات اقتصادی من ، بوسوتون یکی بعض احکامی ضروری قیلورسه بو کی ضرورتلر قارشوسنده تعیین احکام ایچون موجود اولان اصول وقواعد شرعی من ، استحسانات من ، مصالح من من کی اساسات اصولیه من کنده یزک وشرعک روحه کوره بر جوق احتیاجاتک حله کافیدر . الیررکه بونک ساده لافی دکل ، حقیقتی تطبیق ایدمک آدماملر بولونسون ، یوق ایسه یتشدیر یلسون . فقط شوراسنی ده نظر دفته آملایدر که احکام معلله دائماعلیله متناسبدر . بونک ایچون علل موقت زمان ایله مقید احکام موقت اقتضا ایدر . وبواحکام علتلرینک زوالیه زائل اولمق لازم کلیر . بونک طولانی ملت ، احکام استثنایه ایجاب ایدر ، علل موقت ضروریه نک ازاله سی بر غایه تشریحی اتخاذ ایتک ، بومستثنایه روح اجتماعیه اساسی بر موقع ویرمه یزک بر آن اول بو صابا یوللر دن شهراء شرعی به عودت ایتک اقتضا ایدر . غریبه بونکی جریان اعتباریه بزم الزم دینه تقاید ایتک قالدیشدیغمن بر جوق احکامی یک یاقیندر که غرب کنده کنده یسنه الفا ایدمکدر . و او زمان او بزم کلیر کن دائما بزاوندن اوزاقلاشمش بولونه جمن .

منع مسکرات لهنده تظاهرات

کرماسنی اهالیسی توحید افکار غریبه سنه کوندردیکی آتیدکی تلغرافله منع مسکرات قانوننک رفعی پروتستو ایدیور :
کرماسنی ، ۱ ایلول — شریعت مطهره احمدیه مزجه اساساً ممنوع اولوب مجل بویوک ملت مجلس مزجه اوج سنه مقدم قبول اولنان قانون مخصوص ایله ممنوعیتی تأیید و تضریر شرعیسی تشدید اولنان مسکراتک اخیراً ممنوعیت قانونیه سنک رفعی حقهده بر قانون تکلیف اولندیغنی کال تأثر وتلفله خبر آلدق . اوج سنه دهری محسناتی فعلاً وباتحریر آکلاشیلان وعشرت یوزدن واقع اولان یوز بیکنرجه جراثمک اوکنه کجایی قیود محاکم ایله ثابت بولنان منع مسکرات قانوننک رفعی ملت نجیه مزری استیلای عشرت کی عظیم بر تهلکه اجتماعیه دوشورده کی شبهه سز وحقق بولمسنه بویله بر قانون قبول مجلس ملیز حقهده بون عالم اسلامیه موجود اولان توجهات منتدارانه وحرمتکارانه نکده زوالی موجب اوله جفته مبنی عموم کرماسنی قضاسی اهالیسی نامنه مسکرات حقهده کی ممنوعیت قانونیه نک دوام واقاسنی تمنی واسترحام ایلرز .
(امضا صاحب لرینک مجلسی منتخب نایلردر)

توحید افکار غریبه سی بوتلغرافک آله شو مطالعهده بولونمشدر :
(کرماسنی) ده کی وطنداشلیریمزک منع مسکراتک رفعی علیهنده کی بو پروتستوسنی فوق الماده سزای تقدیر بولویورز . علی الخصوص ایمانی رصین

بر مسلمان ایچون مسکرات دینلن ام الحیثات علیهنده نه سویله نیرسه ثواب ، مملکت وعرفنک خلاص وشفا سی دیله یز هر تورک ایچون ده بوعلیه داراق بویوک برآجدر . بکن بویوک مجلسمزک معظمت خیراتندن بری ده ، مسکرات فضیحه سی وطنمزدن رفع ودفع وطرده ایله مه سی ایدی . یکی تورکیا دولتمزک اوامر دینه وشریه به بوقدر صادق بر طریق هدایتده طلوعی ، بونون اقطار جهانه کی مسلمانلغی شاد ایله مشدی . بوکون ، بو خیری قانونک لغوی وکن مجلسمزک خیراتی خلفنک بوصورتله زیروزبر ایتک ایسته مه سنک اوکنه کجاییلمک ایچون الک عملی یول ، الک باشده مملکت منتخب نایلرینک رفع صدا ایله مه سیدر . منتخب نایلر بوخیر وشرتدردی آراسنده کنده یز کیلرینک امدادینه شتابان اولایدر . اساساً هیچ بر منتخب نایلنک وکیلرینی انتخاب ایدر ایتز مجلسه کیدنجه منع مسکرات قانونی کی خیری بر قانونی اورتدن قالدیراقلرینی عقللرندن کجیرمدکلرینه آمینز . منتخب نایلرک بواشده غیرت واعتراضی بر نوع رأی عام ماهیتده اولاجنی ایچون یک مصیب ومؤثر اولاجقدر .

عالم اسلامده موقعمن

(لوزان) معاهده سنک عقدندن بری اسلام عالمک هرکوشه سنندن آلینان خبرلر عقدایتدیکز مصالحه نک هر طرفده بر اسلام ظفر سیاسی اولارق تسعید اولوندیغنی بیلدیرمکده در . مصرده ، هندستانده ، تونسده وسائر اقطار اسلامیهده بو اسلام ظفری ایچون وحدت اسلامیه بی تجلی ابتدیره ن احتفاللر یایللمش . جوامع شریفهده خلافت دولتک بقای و دوام نصرتی ایچون دعا وتضرع لرده بولونولشددر . بالخاصه هندستانک مهم ولایتلر دن بری اولان (حیدر آباد) اهالیسی ولایتک آمیری نظام حضرتلری صلحمزک تسعیدی ایچون یوم مخصوص تعیین ایتش و ۱۲ آغستوس کوتی ۱۲ ملیونه بالغ حیدر آباد اهالیسی صلح ظفریمزی تسعیده تخصیص ایتشلر ، کججه لین شهرلینی دونادقلری کی جوامع شریفه نک مناره لرینی تنویر ایتشلردر . هندستانک سائر ولایتلر دنه یایلان احتفاللر وتسعیداتده بونک دوننده دکلدر .
صوک خبرلر دن آکلاشیلیدیغنه کوره (ترانسوال) مسلمانلری ده ، حبشستان مسلمانلری ده صلحمزی تسعید ایتشلردر .

بونون بوحدات عالم اسلامده کی موقعمزک نه قدر بویوک اولدیغنی کوسترمکده وبوموقع عالی ایله متناسب برصورتده حرکت ایتمککنک اقتضا ایتدیکنی اثبات ایتکده در . هر حالده ملتیزک علمدار دین مبین اولدیغنی اصلا اونوتمایه جنی وبو علمدارلک کنده یسنه تحمیل ایتدیکی وظائفی دائما ایفا ایدمکک شهنه وارسته در .

خواجه کمال الدین افندی

۲۱ آغستوس تاریخی (الاهرام) غریبه سی انکلتزهده نشر اسلام ایله مشغول اولان خواجه (کمال الدین) افندیکنک بر مکتوبی نشر ایتکده در . موسی الیه (احمدیه) مذهبی ایله هیچ بر مناسبتی اولادیغنی بیان ایتکده واهل سنت وجاعتدن اولدیغنی افاده ایتکده در . (لوندزه) ده اسلام مرشدلر دن متشکل هیئت حقهده ، خواجه کمال الدین افندی بو هیئتی بالذات تأسیس ایتدیکنی وکنده یز ترونیله فعالیتی ادامه ایلدیکنی ، آنجق بو هیئتی تأسیسدن اوج سنه صوکره (حیدر آباد) ، (بهوبال) و (بهارنپور) امرای اسلامیه سنک کنده یسنه یاردم ایتدکلرینی . فقط بونلرک هبسی ده مسلمان وسنی اولدقلرینی ، انکلتزه حکومتمزدن برپاره اولادیغنی بیان ایتکده در . (لوندزه) جامع شریفیندن بحث ایدرکن خواجه کمال الدین افندی بوجامع شرقی (بهوبال) امیره سنک انشا ایتدیکنی وبوجامعک امامته مشارالیه طرفندن تعیین اولوندیغنی بیان ایله مکده در .

شکر . — سبیل الرشادک نشر وتعمیمی خصوصنده بویوک همتلر کوسترن قارئین کرامه ، بالخاصه مفتی افندیلر حضراتنه تشکرلر ایدرز .

شهراده بائی : اوقف اسلامیه مطبعه سی